

**Z A K O N**  
**O IZMJENAMA ZAKONA O PRIJEVREMENOM POVOLJNIJEM**  
**PENZIONISANJU BRANILACA ODBRAMBENO-OSLOBODILAČKOG**  
**RATA**

**ZAKON**  
**O IZMJENAMA ZAKONA O PRIJEVREMENOM POVOLJNIJEM PENZIONISANJU**  
**BRANILACA ODBRAMBENO-OSLOBODILAČKOG RATA**

**Član 1.**

U Zakonu o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, br. 41/13, 90/17 i 29/22), član 4. stav (1) tač. 3. i 4. mijenjaju se i glase:

- “3. Pripadnici Oružanih snaga Republike Bosne i Hercegovine (ARBiH, HVO, MUP-a R BiH i HZHB) (u daljnjem tekstu: OSRBiH), kojima je priznato učestvovanje u odbrani Bosne i Hercegovine u trajanju od najmanje tri godine i koji nisu dezertirali iz OSRBiH, stiču pravo na starosnu penziju u iznosu najniže penzije isplaćene u decembru 2024. godine u Federaciji Bosne i Hercegovine, usklađene za sva pripadajuća povećanja na dan ostvarivanja prava, a koja će se dalje usklađivati pod uvjetima i na način kako je regulisano usklađivanje penzija Zakonom o penzijskom i invalidskom osiguranju, i prije navršenih 65 godina života, pod uvjetom da imaju najmanje 20 godina penzijskog staža. Starosna penzija iz ove tačke ostvaruje se tako da se od 65 godina života oduzima period koji je licu priznat u učestvovanju u odbrani Bosne i Hercegovine u jednostrukom trajanju. Ukoliko korisnik iz ove tačke ima 20 godina penzijskog staža, bez posebnog ratnog staža u dvostrukom trajanju, starosna penzija ostvaruje se tako da se od 65 godina života oduzima period koji je licu priznat u učestvovanju u odbrani Bosne i Hercegovine u dvostrukom trajanju, pri čemu se poseban ratni staž priznaje u jednostrukom trajanju.
4. Ratni vojni invalidi sa procentom invalidnosti 60% ili više, kojima je procenat vojnog invaliditeta utvrđen isključivo na osnovu ranjavanja, mogu ostvariti pravo na penziju u iznosu najniže penzije isplaćene u decembru 2024. godine u Federaciji Bosne i Hercegovine, usklađene za sva pripadajuća povećanja na dan ostvarivanja prava, a koja će se dalje usklađivati pod uvjetima i na način kako je regulisano usklađivanje penzija Zakonom o penzijskom i invalidskom osiguranju.”

**Član 2.**

U članu 5. iza riječi „osiguranju“ riječi „(„Službene novine Federacije BiH“, br. 29/98, 49/00, 32/01, 73/05, 59/06, 4/09 i 55/12)“ se brišu.

**Član 3.**

U članu 6. u stavu (3) u devetom redu tabele u koloni „pripadajući koeficijent“ broj „1,5“ zamjenjuje se brojem „1,8“.

U stavu (7) riječi: „s tim što iznos penzije nakon umanjenja ne može biti manji od iznosa najniže penzije isplaćene za taj mjesec u skladu sa Zakonom o PIO“ zamjenjuju se riječima: „s tim što iznos penzije nakon umanjenja ne može biti manji od iznosa najniže penzije isplaćene u decembru 2024. godine u Federaciji Bosne i Hercegovine, usklađene za sva pripadajuća povećanja na dan ostvarivanja prava, a koja će se dalje usklađivati pod uvjetima i na način kako je regulisano usklađivanje penzija Zakonom o PIO.“.

#### **Član 4.**

Član 8. briše se.

#### **Član 5.**

U članu 14. u stavu (3) riječi: „tačka 3.“ zamjenjuju se riječima: „tač. 3. i 4.“.

#### **Član 6.**

Ovaj zakon stupa na snagu narednog dana od dana objavljivanja u „Službenim novinama Federacije BiH“, a primjenjivat će se od 01.01.2026. godine.

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Dragan Mioković

PREDSJEDAVAJUĆI  
DOMA NARODA  
PARLAMENTA FEDERACIJE BiH

Tomislav Martinović